

# ՍՈՂՈՄՈՆԻ ԱՂԲԻԻՐԸ

ԴՐԱՄԱՏԻԿԱԿԱՆ ՊՕԷՄԱ ՆՐԱՔ ՊԼՏԻՆՈՎ

ԼԵՒՈՆ ՄԱՆԻԼԵԱՆՑԻ

ՊՕԷՄԱՅԻ ԱՆՁԻՆՔ

Սողոմոն, գիւղի պատուաւոր անձը

Ռափայէլ, նրա որդին

Մեւքոն, գիւղի ազգեցիկ անձը

Օսաննա, նրա աղջիկը

Եղիա, Սողոմոնի բարեկամը

Մարութ, Մեւքոնի բարեկամը

Մելիք-Յակոբ, գիւղի տանուտէրը

Երիտասարդ

Ծերունի իւր երկու թռռնիկներով

Աշուղ

Երկու գիւղացի

Գիւղացիներ, պաշտօնական, կանաչք, աղջկեքք, երեխաներ

Գողթողութիւնը կապարուում է Գողթնում

## ՊԼՏԻՆՈՎ ԱՌԱՋԻՆ

Տեսարանը ներկայացնում է եկեղեցու գաւիթը, որը մի բա-  
ւական մեծ և պարիսպներով շրջապատւած տարածութիւն է,  
ծածկւած ճանապարհի երկու կողմից գերեզմաններով: Ծառերի

եղևից երևում է եկեղեցին իւր գմբէթով: Զանգերը շողանջում են: Գաւիթը լցւում է գիւղացիներով: Կանաչք և երևիսաներ միանգամայն բացակայում են: Ժողովուրդը տեղաւորւում է զերեզմանաքարերի վրայ: Բազմութիւնը խտանում է ծառերի սպաններում:

## ՄԵԼԻՔ-ՅԱԿՈՅ

Ել ում ենք սպասում? Մեր իշխանները  
Հիմա ամենքը այստեղ ներկայ են,  
Եւ բաւականին ժողովուրդ էլ կայ:

## Մ Ե Լ Ք Ո Ն

Խօսքը քոնն է, Սողոմոն, սկսիր:

## ՄԵԼԻՔ-ՅԱԿՈՅ (Ժողովրդին)

Ահա, մի խանգարէք... Լըռութիւն... Սիմոն,  
Հարեաններիդ ասա, մոնջ կենան:

## Ս Ո Ղ Ո Մ Ո Ն

Ժողովուրդ, գուցէ ձեզնից շատերը  
Գիտ չեն իմանում—ինչի համար ենք  
Հաւաքւել այստեղ. և որովհետեւ  
Մեր այս ժողովի պատճառը ես եմ,  
Ուրեմն խօսքը ինձ է պարկանում:  
Ժողովականներ, ես մտադիր եմ  
Այստեղ արծարծել մեր գիւղը աղբիւր  
Բերելու հարցը:

## Ե Ղ Ի Ա

Ախ, օրհնեալ լինի այն օրն ու ժամը,  
Երբ մենք ջըրառար աղբիւր կ'ունենանք!

## Ս Ո Ղ Ո Մ Ո Ն

Ջուրը Ասործոյ այն սուրբ պարգևն է,  
Որ անապարդ դըրախտ է շինում,  
Իսկ եթէ չէ կաշ, կանաչ դըրախտը

Ամայանում է, անապատ շառնում  
 Երեսուն տարի մեղանից առաջ  
 Մեր գիւղը այսպէս չոր աւերակ չէր,  
 Այլ շէն, շատ շէն էր... Կանաչ, խիտ և զով  
 Այգիների մէջ կորած էր գիւղը,  
 Եւ մինչև կէսօր փայլում էր ցօղը  
 Ծաղկանց, թըփերի, մարդերի վըրայ.  
 Առաւ էր հունձը և հողի բերքը.  
 Եւ ժողովուրդը չըզիտէր կարիք,  
 Այլ միշտ գոհ, ուրախ և հաշտ ապրում էր  
 Եւ փառաբանում վերին Արարչին.  
 Մենք այն ժամանակ աղբիւր ունէինք,  
 Այն էլ ինչ աղբիւր... Ախ, այն աստիճան  
 Վարար էր ջուրը, որ իր հոսանքում  
 Զաղաց էր բանում. և ձեռք էր սառնում,  
 Ով մի հինգ բույէ սլահում էր մէջը.  
 Կըլորում էր իտրակ ալմաղլի նըման—  
 Այնքան սառն էր նա. նըրա գայտերը,  
 Ինչպէս աշամանդ, փայլիլում էին  
 Արևի ամեն մի ճառագայթից,  
 Եւ ինչ սլարդ էր նա, ինչպէս թափանցիկ—  
 Նրա մէջ ողկոյզը ծածկում էր կարծես  
 Մարգարիտներով... Այո, ժողովուրդ,  
 Մեր գիւղի համար մի անդին գանձ էր  
 Այն կաթնաղբիւրի յորդառափ ջուրը,  
 Որովհետև նա լիացնում էր մեզ,  
 Եւ մեր այգիքըն ու անդաստանը!

Ե Ղ Ի Ա

Հնա, լաւ աղբիւր էր, ափսոս, փրճացաւ!

Ս Ո Ղ Ո Մ Ո Ն

Բայց այստեղ նըստած բոլոր ծերերը  
 Անշուշտ չիշում են Տիրոջ սլափիժը—

Այն մեծ հեղեղը, որ հիմնադրակ  
 Կործանեց տըներ, աւերեց այգիք,  
 Եւ այն աղբիւրը, որ մինչև այսօր  
 Ոչ ոք չը գիտէ, ուր անհնդաջաւ—  
 Կարծես անդունդը կըլանեց նըրան:  
 Հիմա մեր յոյսը մեր գեղակըն է,—  
 Բայց միայն Աստուծ գեղակ համարէ,—  
 Մեզանից վերե քանի գիւղեր կան,  
 Որ ըստառում են նըրա ջըրերը,  
 Եւ միայն չընչին մասը բաց թողնում  
 Դէպի մեր գիւղը... Հերթի պատճառով  
 Ծագում է կռիւ, հայհոյանք և ծեծ...  
 Եւ այսպէս, ջըրի սակաւութիւնից  
 Մեր բարք ու վարքը վայրենանում է:  
 Սիրտ է մըղկըպում, երբ մարդ տեսնում է,  
 Որ մինչև անգամ մեր ծառերըն էլ,  
 Իրանց խընամուղ տէրերի նըման,  
 Ծարաւից կախ են զըցում գլուխները  
 Եւ կարծես լալիս. մինչև մի կաթիլ  
 Զուր հասնի իրանց, շտպերը թռումում  
 Եւ չորանում են...

## Մ Ե Լ Ք Ո Ն

Ինչ որ ասում ես,  
 Սողոմոն, ճիշտ է և իրաւացի:  
 Բայց ինչ կարող ենք շըրա շէմ անել  
 Մենք, խեղճ, հասարակ մահկանացուներս?

## Մ Ա Ր Ո Ւ Ք

Հէնց այդ է հարցը, ինչպէս Մեւքոնը  
 Ուղիղ նըկատեց. ինչ անենք շըրա շէմ?  
 Երկընքից ջըրեր ցած բերենք ներքե—  
 Մեր ուժից վեր է: Իսկ ղեղմնի տակին  
 Հորերի ջուրը մեծ մասամբ աղի  
 Եւ կամ անպէտք է:

Ս Ո Ղ Ո Մ Ո Ն

Ձեզնից, բարեկամք,  
Յանկուլթիւն լինի, ինձնից—ցոյց տալ ձեզ  
Դըրա հընարը,—և մենք կ'ունենանք,  
Աստուծով, մի օր հրեշէն աղբիւր!...

ՆՂԻԱ (նկատելով շուրջը անհանգիստ շուկ)

Մեղիք, այն կողմում բարձր են խօսում  
Եւ խանդարում են:

ՄԵԼԻՔ-ՅԱԿՈԲ

Լուռ կացէք այդտեղ!  
Ժողովականներ, ուշադրութիւն!...

Ս Ո Ղ Ո Մ Ո Ն

Ինչ պիտի չայտնեմ, ոչ թէ մի օրւայ  
Մըրաճողութեան ծընունդ է, այլ շար  
Եւ շար օրերի: Դուք ինձ շար անգամ  
Տեսած կը լինիք այն քարաժայռի  
Մի ծայրին նըստած. և անշուշտ մէկը  
Ասած կը լինի. «Մեր Սողոմոնը  
Կամ ճըգնաւոր է կամենում Դառնալ  
Եւ կամ ցընդել է, որ այժմամի պէս  
Անցնում է օրը ժայռերի գըլխին:  
Քայց ահա այնտեղ, առանձնութեան մէջ,  
Ես խորհում էի աղբիւրի մասին:  
Եւ բախտաւոր միտք ինձ լուսաւորեց:  
Հիմա լըսեցէք: Մեր սարի ետեւ  
Կայ մի ապառաժ, որի լանջի վրայ  
Երևում է ծերպ, լըրացած լուսնի  
Սկաւառակի չափի, որ թըւում էր ինձ  
Յրբեմն արծւի կամ ուրուրի բոցն:  
Քայց հեջեւելով ջըրի շիթերին,  
Որ ծորում էին ժայռի ճեղքերից,

Եւ, սրտորդի մօտ միախառնելով,  
 Վաղում առի պէս, ես գուշակեցի,  
 Որ այնպեղ անշուշտ թագնեած է սիրուն  
 Սղբիւրի մի ակն: Վըճռեցի վերեւ  
 Բարձրանալ—իսկոյն կարար ածեցի  
 Իմ ցանկութիւնը, և, մագըլցելով,  
 Հասայ այն ծերպին և, խռռչէ մէջ  
 Ձրգելով աչքս— ինչ տեսնեմ—մի խոր,  
 Գողչրիկ գաւազան, որ բընութիւնը  
 Իւր մեծահանճար վարպետի ձեռքով  
 Կերպել էր այնպեղ, քարաժայռի մէջ,—  
 Ծովացած ջուրը այնպէս ջինջ ու պարզ  
 Եւ այնքան պաշուկ, որ կարծես թէ ես  
 Կանգնած էի ոչ ջրամբարի մօտ,  
 Այլ սառցարանի մուտքի առաջեւ...  
 Այնպիսի անուշ և անասելի  
 Քաղցր զովութիւն վըշեց երեսիս...  
 Ես ըսքանչացայ, սըրպի բերկրութեամբ,  
 Գոհութեամբ լըցւած բացականչեցի.  
 «Ահա մեր գիւղի իսկական գանձը!  
 Սըրա ջըրերը մեր գիւղի միջում  
 Պէտք է քըշքըշան, սըրա ջըրերով  
 Մեր գիւղը նորից պիտի կանաչի  
 Եւ փարթամանայ!...»

## Մ Ե Լ Ք Ո Ն

Ինչ նոր բան է այդ?

Ամեն մի հովիւ, որ ոչխարներին  
 Տանում է սարը արածացնելու,  
 Քո ասած սառը ջըրից խըմում է  
 Եւ խըմացնում իր ոչխարներին:

## Մ Ա Ր Ո Ւ Ք

Ինչ? Մոռացել էք ձեր մանկութիւնը?  
 Մենք քանի անգամ ուրախ խըմբերով

Վաղվըդել ենք այն ժայռերի դըլխին,  
 «Կառւի-նանկ» ծաղիկ եղևից ընկած?  
 Ե. քանի անգամ քո ասած ջըրով  
 Զովացրիւ ենք մեզ մանուկ հասակում...

Ս Ո Ղ Ո Մ Ո Ն

Բայց այն ով գիտէր, որ ժայռի կըրծքում  
 Կայ սիրուն մի ակն, որ ինչպէս մի մայր  
 Իւր անուշ կաթով, կարող է կեանք տալ  
 Մեր ամբողջ գիւղին իւր անապական,  
 Անարատ ջըրով? Բայց այդ է հարցը  
 Այլ հարցը այն է, որ մեր մօտերքում  
 Կայ մի աղբերակն, և նըրա ջուրը  
 Մենք կարող ենք մեր գիւղի մէջ բերիլ  
 Եւ ահա այդ է իմ առաջարկը,  
 Որի համար և այսքան ժողովուրդ  
 Խըմբւել է այսօրեղ:

ՄԷԿԸ ԺՈՂՈՎՐԴԻՑ

Հիանալի միտք!

Ե Ր Կ Ր Ո Ր Դ Ը

Օրհնելի այն մարդու բերանը, որ մեզ  
 Այդ միտքը յայտնեց!

Ե Ր Ր Ո Ր Դ Ը

Երնէկ այն օրին,

Երբ մեր գիւղի մէջ աղբիւր կը վազի! ..

Ե Ղ Ի Ա

Դա կը լինի մի Աստուծոյ պարգև,  
 Քիչ բաշխում է մեզ արա արդար ձեռքով.

Մ Ե Լ Ք Ո Ն

Եւ ժողովուրդը արդէն հաւատաց,  
 Որ գիւղը մի օր աղբիւր կ'ունենայ!...

Տիճաղիկի է!... Դուք, միամիտներ,

Ինչ հեշտ հրապուրել և խաբել գիտէ՞ք!  
 Ձը լինի թէ շուք կարծեցիք, այսպիսի  
 Ձեր առջև կանգնած խօսում է մի նոր  
 Խիկար-իմաստուն և կամ Սողոմոն,  
 Որ Աստածային պատգամ է յայտնում?  
 Հընարը լաւ բան ասելը չէ, ո՛չ,  
 Այլ այն, որ խօսքդ ի կտրար ածես!  
 Սողոմոնը մեզ առաջարկում է  
 Սարի ետեւից ջուր բերել այսպիսի.  
 Բայց մըրածեցէք—կարելի է այդ?  
 Խելքի մօտիկ է?... Ինչպէս? Ուրեմըն  
 Այս սարը քանդենք? Ժայռերը պոկենք  
 Իրանց տեղերից?...

## Մ Ո Ղ Ո Մ Ո Ն

Ո՛չ, ինչ կարիք կայ  
 Սարեր քանդելու, ժայռեր պոկելու?  
 Ո՛չ, ես գըլպել եմ այն ճանապարհը,  
 Որով առւակը, միայն մի քանի  
 Պըրպոյս անելով սարի լանջի վրայ,  
 Ինչպէս լեռնային սըրընթաց վըրպակ,  
 Կայտառ և ուրախ կը վազի ներքև  
 Եւ մեր գիւղի մէջ անուշ ձայն կը տայ...

## Մ Ե Լ Ք Ո Ն (հեգնական ծիծաղով)

Միայն քո գըլխում անուշ ձայն կը տայ,  
 Սողոմոն, բայց ոչ մեր գիւղի միջին...

## Մ Ո Ղ Ո Մ Ո Ն

Բարի կամք է պէտք, և յորդ աղբիւրը,  
 Ես ասում եմ ձեզ, անուշ ձայն կը տայ  
 Մեր գիւղի միջին!...

## Մ Ե Լ Ք Ո Ն

Եթէ թոյլ էլ տանք,  
 Որ ճանապարհը շու մըրածել ես

Եւ արդէն գիտես, բայց ես քեզ ուրիշ  
 Սրգելքներ կ'ասեմ Որտեղից գրպաններ  
 Մենք պարապ ձեռքեր, որ սեփական գործ,  
 Աշխատանք թողած, օրեր, ամիսներ  
 Քրտնաթոր բանեն, քանդեն քարափներ,  
 Ժողովեն կաշկառ, ճանապարհ հարթեն  
 Եւ հողը փորեն?... Ասենք, այդ էլ կա:  
 Բայց ինչպէս գլորենք, ինչպէս հաւարենք  
 Մենք այնքան գումար, որ մշակներին  
 Եւ նըրանց բոլոր գերդաստաններին  
 Օրեր, ամիսներ գուցէ և տարի  
 Ապրուստ տանք, պահենք?...

Ս Ո Ղ Ո Մ Ո Ն

Մենք ամենքըս էլ  
 Հերթով կ'աշխատենք. ես առաջինը  
 Ի՞մ ձեռքս կ'առնեմ բահը և լինգը.

Ե Ղ Ի Ա

Եւ ես էլ քեզ հետ:

Ս Ո Ղ Ո Մ Ո Ն

Մեզ հետ էլ նոյնպէս  
 Ուրիշ շատերը, և կը սկսի եռալ  
 Մեր աշխատանքը... Մեծ գումար պէտք է:  
 Ամենաշատը, ամենաշատը  
 Մի չորս-հինգ հազար, և արդէն գործը  
 Գլուխ եկած է...

Մ Ե Լ Ք Ո Ն

Օ, չորս-հինգ հազար!  
 Հէնց այդ էր պահաս մեր աղքատ և խեղճ  
 Այս ժողովրդին! Ինչ հեշտ է ասել—  
 «Մի չորս-հինգ հազար!»... Առանց այն էլ մեր  
 Այնքան չարչարանքն ու այնքան գումար

Ի շերև ելաւ... Զուր փորձեր արինք  
 Մեր շին աղբիւրը՝ մի կարգի բերել,  
 Նորից ջուր հանել. բայց շուք հօ տեսաք,  
 Որ ոչինչ չ'ընկաւ մեր ձեռը, ոչինչ!...  
 Այդպէս կը լինի և հէնց այս անգամ!

## Ս Ո Ղ Ո Մ Ո Ն

Փողը թող լինի ունևորներից,  
 Իսկ աշխատանքը — չունևորներից!

## Մ Ե Լ Ք Ո Ն

Ես սար ու քարում շաշ տալու համար  
 Աւելորդ մի հատ կոպէկ էլ չ'ունիմ!

## Մ Ա Ր Ո Ւ Ք

Ես ելաւ,— ինչպէս Մեղքոնն ասաց:

## ՄԵԿԸ ԺՈՂՈՎՐԴԻՅ

Եթէ այսպէս է ասում հարուստը,  
 Ել ինչ կարող է ասել աղքատը?

## ՍՈՂՈՄՈՆ

Մեղքոն, շու արի, մի՛ հակառակիր.  
 Տես — քեզ է նայում այս ժողովուրդը.

## Մ Ե Լ Ք Ո Ն

Ո՛չ, ժողովուրդը ինքը խելք ունի.  
 Եթէ ուզում է, կարող է և տալ  
 Համաձայնութիւն. և այն ժամանակ  
 Ես կը մնամ մենակ — ամենից յիմար  
 Եւ կամ ամենից խելօքը այստեղ:

## Մ Ա Ր Ո Ւ Ք

Աւելի լաւ է, ձայներ հաւաքենք:

## Մ Ե Լ Ք Ո Ն

Լաւ, հաւաքեցէք:

## ՄԵԼԻՔ-ՅԱԿՈԲ

Ժողովուրդ, թող նա;

Ով համաձայն է Սողոմոնի հետ,

Վեր կենաց տեղից. ով հակառակ է,

Թող նըստած մընայ!

(Ժողովուրդը նստած է մնում. Ոմանք վեր են կենում և էլի նստում. Ռոբ վրայ են միայն ելիան, Ռափայէլը և սրա ընկերները):

## ՄԵԼԻՔՈՆ (հպարտ)

(Վեր է կենում) Հիմա ամեն մարդ կարող է գընալ

Իր բանին գործին:

## Ս Ո Ղ Ո Մ Ո Ն

Ե՛հ, Աստուծ ձեզ հետ!

Գընացէք!... Ես էլ,—թող վրկայ լինի

Ահա այն խաչը գըմբեթի ծայրին,

Գընում եմ մենակ իրագործելու

Իմ այս հանրաշահ ձեռնարկութիւնը,

Այն երեւելի և ազնիւ գործը,

Որից Դուք այդքան փոքրը հոգութեամբ

Հըրաժարեցիք... Այսուհետ չը կայ

Ինձ համար շուկայ, այլ հողս և հանգիստ.

Այսուհետ բահն է իմ գուռապանը,

Իմ աղբիւրըն է իմ խօսակիցը,

Օրնիբուն պիտի քըրպնաջան բանեմ

Իմ ձեռքով վարձած մըշակներին հետ.

Իմ ունեցածը պիտի վեր Դընեմ,

Պիտի չը մեռնեմ մինչև այն օրը,

Երբ ծըրագիրըս չանգած կը լինի

Բարի վախճանի!... Իսկ նա, որ այստեղ

Ծաղրելով ծաղրեց իմ առաջարկը

Եւ ձեր բարիքին խոչընդոտ եղաւ,

Թող չը մոռանայ այս օրուայ օրը!...

Ես մարգարէ չեմ, բայց հաւատացէք

Իմ գուշակութեան,—կը գայ ժամանակ,

Եւ մեր գիւղի մէջ, ձեր աչքի առաջ,  
Իմ ջինջ աղբիւրը քաղցր ձայն կը փայ,  
Եւ,—վրստահ եմ ես,—Դուք բոլորը էլ  
Կը մըրտաբերէք այս օրհայ օրը!... (Գնում է):

ՌԱՓԱՅԵԼ (հեռեկեանի հօրը)

Հայր, Դու մենակ չես! Ես էլ քեզ հետ եմ!

ԵՂԻԱ (հեռեկեանի Սողոմոնին)

Ես էլ, Սողոմոն, քո օղնականը:

Վ ա ը ա գ ո յ ը :

## ՊԱՏԿԵՐ ԵՐԿՐՈՐԴ

ՓՈՂՈՅ: ՄԵԼՔՈՆԻ ՏԱՆ ՄՈՏ

(Երևում են երկու գեղջուկ)

1-ին ԳԵՂՋՈՒԿ

Այս գիշերւանից եկեղեցու մէջ

Կը սկսւի հըսկում: Թո՛ղ ժողովուրդը

Ջերմեռանդ օրրոտվ հաւաքւի մէկտեղ

Եւ ծունկ խոնարհած սեղանի առաջ՝

Սուգ անեն, ողբան և արտասուազին

Աշօթեն. փեսենք, գուցէ Տէր Աստուծո՛

Մեղքանայ և մեզ փայ առաք անձրև...

2-րդ ԳԵՂՋՈՒԿ

Բայց նայիր այնտեղ: Տես, սարի գլխից

Ինչ ծանրը-ծանրը բարձրանում է սև

Բըլրաշափ մի ամպ:

1-ին ԳԵՂՋՈՒԿ

Այդպէս պատահեց

Եւ երէկ, ուղիղ այս ժամանակիս.

Երևաց մի ամպ, մի կաշձակ խրվեց,  
Մի անգամ գոռաց, և առանց մի հար  
կաթիլ անձրևի կըրկին ետ քաշւեց  
Եւ ցըրիւ եկաւ:

## 2-րդ ԳԵՂՋՈՒԿ

Ո՛չ, կամաց-կամաց  
Մեծանում է նա, և հորիզոնը  
Մըթնում է արդէն... Մի, թէ Ասործոյ  
Ողորմութիւնը շուտ վըրայ հասնէր!...  
Եթէ ոչ, ահա երկու ամիս է,  
Երկինքը բարձրից կըրակ է թափում,  
Այրում, խանձում է վարուցանք, ծառեր,  
Բայց Դիլի համար գոնէ մի անգամ  
Այսքան ժամանակ մի կաթիլ չ'ընկաւ...

## 1-ին ԳԵՂՋՈՒԿ

Անսէրութիւնը երբ որ բուն Դըրեց  
Ժողովըրդի մէջ, Ասուած էլ նրանից  
Երես կը Դարձնի...

## 2-րդ ԳԵՂՋՈՒԿ

Այս թնչ պատիժ էր,  
Սրարիչ Ասուած, որ Դու մեզ փըրի!  
Փճացաւ աչգիս և անԴաստանըս!  
Իզուր իմ խոփը պապուեց արգաւանդ  
Իմ արփի կուրծքը. իզուր եզներըս  
Քրորնաթոր եղան ինձ հետ միասին,  
Արեգակի տակ հլու տանելով  
Գութանի լուծը. հաղիւ մի կանգուն  
Բարձրացաւ հասկը, ջըրի պապակից  
Նըրա հասակը շուտով կանգ առաւ,  
Հացահարիկը չորացած մընաց...  
Չորացաւ թթի իմ ծառագոռնկը,  
Որ միւս գարնան տերեւ պիտի տար

Շերամիս համար. Դեղնեց իմ վազը,  
 Եւ վըրիփ ճիւղը հազիւ է պահում  
 Անհիւթ ճիթերը... Այգին այլ ևս  
 Այգու տեսք չ'ունի. աշնան սկզբում,  
 Տերեւթափին աւելի ուրախ,  
 Աւելի սիրուն է լինում այգին.  
 Ծառերը արևուր, գլուխները կախ,  
 Փռնով պատած՝ կարծես թմրում են...  
 Մինչև իսկ հողը՝ կոշտացած և չոր  
 Ճաքեճաք եղած՝ հազար բերանով  
 Կարծես վերելց անձրև է հայցում...

1-ին ԳԵՂՋՈՒԿ

Ինչ ես լաց լինում, եղբայր. իմըս էլ  
 Քոնից պակաս չէ. Աստած ողորմած  
 Եւ բարեգութ է. Եթէ նա չ'անայ  
 Մեր աղաչանքին, մեր արդար մանկանց  
 Չայնը կը հասնի Ամենաբարձրին:  
 Յոյսըդ մի՛ կըտրիր... Տեսար? Կայծակ էր!...

2-րդ ԳԵՂՋՈՒԿ (խուլ որոտում)

(Գլխարկները հանում, երեսները խաչ են անում)  
 Բարերար Աստած!...

1-ին ԳԵՂՋՈՒԿ

Ես քեզ ստում եմ,  
 Յոյսըդ մի՛ կըտրիր. հըսկումը չ'եղած,  
 Մեզ լըսեց Աստած, և սուրբ Յակոբայ  
 Ալբիւրից բերած ջուրը, թափորը  
 Զուր տեղը չ'անցաւ. Նախավըկայի  
 Սուրբ աջըն էլ մեզ օգնական եղաւ...

2-րդ ԳԵՂՋՈՒԿ (կրկին կայծակ և որոտում)

Մեռնեմ այդ ձայնին, զօրաւոր երկինք!  
 Դէ հիմա թափիր, հիմա վեր ածն

Առաջ անձրևը... (կրկին կալծակ և որոր)

Քամի բարձրացաւ.

Ահա երեսիս մի կաթիլ ընկաւ.

Փառքը շար, Աստուծ!...

1-ին ԳԵՂՋՈՒԻ

Ահա մէկըն էլ

Իմ ձեռքիս ընկաւ... (որորը և կալծակը լաճախակի)

2-րդ ԳԵՂՋՈՒԿ

Նայիր—ինչ արագ

Գալիս են այս կողմ սև-սև թըխպերը...

1-ին ԳԵՂՋՈՒԿ

Ինչ մթնեց օրը!

2-րդ ԳԵՂՋՈՒԿ

Ծիծեռնակները

Ճշալով ինչպէս կտրում են օդը!...

1-ին ԳԵՂՋՈՒԿ

Բայց վնչ մեզ, եթէ այս խելառ քամին

Ամպերը բըշի... (որորումը գնալով թուլանում է)

2-րդ ԳԵՂՋՈՒԿ

Հէնց այդպէս էլ է...

Արագ դալիս են և արագ անցնում,

Եւ այսքան կալծակ—որդումունքից յետ,

Ախ, անգնթ ամպեր, միթէ միմիայն

Երկու հար կաթիլ մեզ բաժին ընկաւ?...

Նախիրը հանդից երբ տուն է գալիս,

Այն կովը, որի կուրծքը շար է լի,

Վաթը չի պահում, կաթկաթում է նա,

Հողը թաց անում, մինչև որեղ հասնի...

Իսկ այս ամպերը, որոնց ջրերբով

Ծովը կ'լըցւէր և գետ կը վազէր,  
Այսքան անողոր և այսչափ ժըլատի...

1-ին ԳԵՂՋՈՒԿ

Գընանք, բարեկամ: Ինչպէս էլ լինի,  
Անձրև պիտի գայ: Եթէ ոչ այսօր,  
Վաղը անպարճառ:

2-րդ ԳԵՂՋՈՒԿ

Քո բերնի խօսքը

Թող Ասուած լըսի:—Արի, ասում եմ,  
Այսպէս ման գալով բարձրանանք վերև,  
Ուր Սողոմոնի մարդիկ օրն ի բուն,  
Բոլոր յոյսերը Ասործուն կապած՝  
Աղբիւրի գործը առաջ են փանում:

1-ին ԳԵՂՋՈՒԿ

Բայց թէ յաջողւեց, խօսարովանք լինի,  
Բերած աղբիւրը մեծ բան կը տեսնի,  
Մի այսչափ շրջաւար և վար ժամանակ,  
Երբ եօթ շարաթ է երկինքը կապած՝  
Անձրև չի յօշոտմ... Ուղում ես, գընանք:  
(Գնում են):

## ԵՐԵՒՈՅԹ II

ՌԱՓԱՅԷԼ. ՕՍԱՆ (լուսամուտի մօտ)

Օ Ս Ա Ն

Ռափայէլ?...

ՌԱՓԱՅԷԼ

Օսան?... Այդպեղ ես, ջանըս?  
Կարօտից մեռայ, մինչև քեզ տեսնեմ:

Օ Ս Ա Ն

Ռափայէլ, գիտես, հայրըս գալիս է  
Օտարութիւնից: Այսօր նամակ կար:

Ռ Ա Փ Ա Յ Է Լ

Հայրը՞ դալիս է? Ինչ կայ որ? Թո՛ղ գայ:  
 Ինչ լինելու է, թող շուտով լինի:  
 Հայրը՞ Դանակը մեր բըկին Դըրած՝  
 Ոչ մորթում է մեզ և ոչ բաց թողնում:  
 Եւ երկուսըս էլ, երկու մովի պէս,  
 Վառուում-հալում ենք սիրոյ կըրակից. .

Օ Ս Ա Ն

Ա՛խ, իմ Ռափայէլ, ինչ կ'անենք, թէ մեզ  
 Միմեանցից բաժնեն?...

Ռ Ա Փ Ա Յ Է Լ

Միմեանցից բաժնեն?  
 Ինչպէս այդ խօսքը թընցրիր բերնիցը?  
 Ով ուզու է միմեանցից բաժնել,  
 Գըլլից ձեռք քաշած մարդ պիտի լինի.  
 Թո՛ղ առաջ գընայ քահանայի մօտ  
 Հաղորդւի, յետոյ .. Բացց հէ, Օսան ջան,  
 Զեն համարձակ իլ! Հայրը՞ էլ գիտէ  
 Եւ ամեն մէկը լաւ իմանում է,  
 Որ Սողոմոնի որդու գընդակը  
 Հասնում է ուղիղ իւր նըպատակին,  
 Եւ Ռափայէլի ձեռքից չեն պըրծնում  
 Նոյն իսկ օղի մէջ թըռչող ագռաւը,  
 Յինը և բազէն... Ո՛չ, Դու իմըս ես,  
 Հոգուս հատորը!... Աշխարհի աշքը  
 Թող քեզ վրայ լինի—միւսնոյն է.  
 Օսանի տէրը և տիրականը  
 Ռափայէլըն է!...

Օ Ս Ա Ն

Զան, ջան, Ռափայէլ!...  
 Դու ես իմ տէրը և տիրականը,  
 Միրտ ու ջիգեարս և իմ մուրազըս!

## Ռ Ա Փ Ա Յ Է Լ

Ով մի ծուռ աչքով քեզ վերայ նայի,  
ես նրա ծուխը վեր կը բարձրացնեմ!

## Չ Ս Ա Ն

Երնէկ, Ռափայէկ, հայրըս, գայ թէ չէ,  
Քո հօր հետ հաշտեն...

## Ռ Ա Փ Ա Յ Է Լ

Կը հաշտեն, Օսան,  
Մի օր կը հաշտեն! Եւ, եթէ միայն  
Մեր հայրերը մեր բարին են ուզում,  
Ձեռք ձեռքի կը փան և կ'օրհնեն որդոց!  
Այդ յոյսըն է, որ ինձ կեանք է փալիս  
Եւ վառ է պահում բոլոր եռանդըս,  
Եւ առաւօտից մինչև երեկոյ  
Սրեում փրփնել և աշխատելը  
Ծանրը չէ թըւում...

## Չ Ս Ա Ն

Անցեալ տարւանից մինչև այս ամառ  
Ինչքան ոյժ, ինչքան աշխատանք շրջիք  
Աղբիւրի վերայ... Երնէկ իմանամ  
Ռափայէկ, գոնէ, ձեր այդքան երկար  
Չարհարանքից յետ, գալու է աղբիւր,  
Թէ ձեր աշխատանք և յոյս—բոլորը  
Ձուր է կորչելու...

## Ռ Ա Փ Ա Յ Է Լ

Ո՛չ, Օսան ջան, ո՛չ!  
Մինչև մի ամիս, Ստուած յաջողի.  
Գիւղում այնպիսի աղբիւր քըչքըչայ,  
Որ քո հրեշտակի չըքնաղ պատկերը  
Նրա երեսին լոյս տայ և շողայ...  
Աղբիւր եմ ասում, Օսան ջան, աղբիւր,

Որ նըրա ամեն մի կաթիլ ջուրը  
Նոցնքան պարզ, մաքուր, անարատ լինի,  
Որքան մեր սէրը!...

Օ Ս Ա Ն

Երնէկ այն օրին!...

ՌԱՓԱՅԷԼ (նկատելով հօրը)

Հայրըս գալիս է, Օսան ջան...

Օ Ս Ա Ն

Գընա՛,

Որ քեզ չը տեսնի մեր տան մօտ կանգնած...  
Ա՛ռ այս ծաղիկը, Ռափայէլ. ահա  
Համբուրում եմ ես—դու էլ համբուրիր.  
(Զգում է մի ծաղիկ, որ Ռափայէլը վերցնում է, համբուրում և  
հոտ քաշում).

### ԵՐԵՒՈՅԹ III

ՍՈՂՈՄՈՆ, ՌԱՓԱՅԷԼ

ՌԱՓԱՅԷԼ

Հայրիկ, տըրար ես? Ինչու ես տընքում?

ՍՈՂՈՄՈՆ

(Մտախոս) Վաղը... աղբիւրի... շէնքսըն ենք գցում (Գնում է՝ կրթ-  
նած Ռափայէլին).

### ՊԱՏԿԵՐ ԵՐՐՈՐԴ

(Գիւղի մէջ մի ընդարձակ հրապարակ, որի ձախտին երևում  
է փոքրիկ մալուռի չափ մի նոր կամարածև շէնքս: Զորակից ջուրը  
թափւում է քարէ աւաղանի մէջ: Աւաղանի մօտ՝ սրբապաշ վէմի  
վրայ նստած է Սողոմոնը, ձեռքին բռնած մի արծաթեայ գաւաթ:  
Քաղմութիւնը գնալով սուտարանում է: Գիւղացիները՝ մեծ ու փոքր,  
տղաչ-աղջիկ, մարդիկ և կանայք—սոսալին տրամադրութեան մէջ

են, ուրախ զւարթ: Իւրաքանչիւրը հագած է իւր ունեցած լաւ  
զգեստը: Հասարակութիւնը խորանում է աւելի աղբիւրի շուրջը:  
Միմեանց հետ աշխույժ խօսում են, ցոյց են տալիս շէպի աղբիւրը,  
Սողոմոնի վրայ և կարծես զօհութեամբ ձեռքները վեր բարձրաց-  
նում շէպի երկինքը: Խառը շշուկի միջից պարզ որոշում է աւա-  
զանի մէջ թափուղ ջրի ձայնը:

Առաջին պատկերի և այս երրորդի միջև անցել է մօտ մի  
տարի ժամանակամիջոց):

### Ե Ղ Ի Ա

Նայիր, Սողոմոն, տես ամբողջ գիւղը  
Խմբւում է այստեղ, քո աղբիւրի շուրջ.

Եւ հրապարակը նրման է պէսպէս  
Ծաղկունքով պըճնւած մի շաշտավայրի.

Կարծես թէ այսօր Կարմիր-Կիւրակի  
Կա՛մ Վարդավառ է: Ուր որ նայում եմ,

Ամենքի շէմքին տեսնում եմ անհուն

Գոհունակութիւն. ամենքի սիրտը

Լըցւած է սիրով և երախտիքով.

Իւրաքանչիւրը, անունըդ տալիս,

Պատկառանք է զգում իւր հոգու խորքում:

Այն երկարատե նեղութիւնները,

Որ շուրջանձէ առար այս անապական

Աղբիւրի համար, մի ծերի ոյժից

Վեր էին թըւում. բայց շուրջ, Սողոմոն,

Ձինւած եռանդով և փոկունութեամբ,

Յաղթեցիր բոլոր խոչընդոտներին

Եւ իմաստունի հեռապեսութեամբ

Այս ուրախ օրը մարդարէացար.

(Յոյց տալով շէպի աղբիւրը)

Եւ ահաւասիկ բոլոր փըքնութեանց

Քաղցրիկ վաստակը, բոլոր յոյսերիդ

Բարի վախճանը...

## Ս Ո Ղ Ո Մ Ո Ն

Եղիա, ես սըրփանց

Շընորհակալ եմ, որ բարեկամիդ

Մենակ չը թողիր այն օր, երբ այսփեղ

Աղբիւր հանելու իմ առաջարկը

Ոչ ոք չ'ընդունեց և մինչև անգամ

Ինձ ցընդամիտ կարծեցին ոմանք...

Դու էիր, որ իմ աջ թևըս եղար

Աշխարհանքներիս բոլոր ժամանակ

Երբ մարդ մենակ է, յուսահատում է,

Երբ ընկեր ունի, ծանրը բեռըն էլ

Թեթևանում է...

Ա՛ռ, քիչ է վայել ամենից առաջ

Այս անմահական սարգ ջըրից խըմել:

(Առաջարկում է նրան արծաթեալ թասով ջուրը, որ նա  
վերցնում խմում է):

## Ե Ղ Ի Ա

Սողոմոն, ահա այս գործի համար

Համարեա ոչինչ չը խընայեցիր:

Ոչ փարիք, ոչ գոյք, ոչ հանգըստութիւն:

Բայց այնպիսի վարձ Դու վաստակեցիր,

Որ փոխարինել նըրան չէ կարող

Աշխարհում ոչինչ—համագիւղացոյց

Անսահման սէր և իւր յարգանքը:

Օրհնեալ լինի քո բարի անունը

Եւ թող յաւիտեան անմոռաց մընայ

Բոլորիս սըրփում՝ սերընդից սերունդ

Եւ որդոց որդի! (Նոր է քաջում և տեղ է տալիս մի ալ ծն-  
րունու, որ մօդեցում է Սողոմոնին երկու թռչնիկների հետ):

## Մ Ե Ր Ո Ի Ն Ի

Սողոմոն, մեզ էլ

Արժանացրո՛ւ քո անապական

Աղբիւրի ջըրին:

1-ին ԹՈՌՆԻԿ

Ինձ էլ, պապ!

2-րդ ԹՈՌՆԻԿ

Ինձ էլ!

Ս Ո Ղ Ո Մ Ո Ն

Այո՛, առաջ ձեզ, առաջ ձեզ կը տամ,  
 Փոքրիկ մանուկներ. առաջ երեխան  
 Պիպի յագեցնի ծարաւը, յիպոյ  
 Միայն ծեր մարդը: Խրմեցէք, որդիք.  
 (Առաջարկում է. երեխաները խմում են).  
 Ինչպէս է?

1-ին ԹՈՌՆԻԿ

Շապ լաւ:

2-րդ ԹՈՌՆԻԿ

Սառցի նըման է.

Ատամըս առաւ:

ԾԵՐՈՒՆԻ (Թոռնիկին)

Հիմա պաչեցէք այս պապի ձեռքը.  
 Նա է ձեզ համար այս ջուրը բերել:  
 (Երեխաները համբուրում են Ստրումնի ձեռքը, և նա  
 օրհնում է նրանց):

Ս Ո Ղ Ո Մ Ո Ն

Ապրէք, լաւ ապրէք և երկար ապրէք:  
 Ասուած օրհնի ձեզ, փոքրիկ մանուկներ!  
 Սարի երեխոց այս քաղցր ջուրը  
 Ձեզ նըմանների համար եմ բերել,  
 Որ շուք վաճելէք, աճէք, մեծանաք  
 Եւ խելօք, առողջ դաւաններ լինիք.  
 Իսկ մենք, ծերերըս, մեր տեղը շուրտով  
 Ձեզ կը տանք, այո՛: Այսօր չէ վաղը—

Այդ Ստուած գիտէ—ինձ գերեզմանը  
Իւր ծոցը կ'առնի եւ, ախ, այլ եւս  
(Զգացած) Զը պիտի լըսեմ ազիզ աղբիւրիս

Այս քաղցր ձայնը, այս կըկըլտցը...  
Բայց շուք, որդիքս, որ շեռ շալու երկար  
Պիտի սքանաք այս աղբիւրի վրայ,  
Ինձ չը մոռանաք, այլ ամեն անգամ,  
Երբ կը գաք այստեղ ձեր այրած սիրտը  
Զովացընելու, ինձ միշտ կը յիշէք,  
Ողորմի կը սաք ձեր Սողոմոնին...

(Շերտենուն) Ալեհօր, շու էլ սըրա համը տես  
Եւ ասա, եթէ մըտարեբում ես.  
Ինչպէս էր մեր Հին-աղբիւրի ջուրը,  
Եւ ինչպէս է սա? (Շերտենին խմում է, հրճանքով գլուխը  
չարժում եւ մի պահ լուռ մնում):

Մ Ե Ր Ո Ւ Ն Ի Ն

Մեր Հին-աղբիւրը

Ունէր գովելի եւ պարուական ջուր.  
Պարզ էր նա, ինչպէս հալած մարգարի,  
Կաթնահամ, սառը... Բայց թող ջուրս աչքով  
Կուրանամ—եթէ ետ չեմ սովորել  
Լաւըն ու վատը իրարից ջոկել—  
Սա—ուրիշ բան է!

Ս Ո Ղ Ո Մ Ո Ն

Ես էլ կարծում եմ,  
Սա—ուրիշ բան է!

Մ Ե Ր Ո Ւ Ն Ի

Լոյս շառնայ հայրդ,  
Սողոմոն. նա էլ քեզ պէս մեր գիւղի  
Բարերարըն էր. նա հին կամուրջը  
Վերանորոգեց, շու Հին-աղբիւրը,  
Զեր անունները թող անջընջելի

Մըննն յաւիտեան ամենքին սըրփում!

(Մերունին քաշում է մի կողմ, և առաջ է գալիս մի երկ-  
րասարդ գիւշացի):

#### ԵՐԻՏԱՍԱՐԳ

Սողոմոն ապեր, այս երիտասարդ

Խըմբի կողմից եմ շընորհաւորում.

Դու մեր բոլորի բարի հայրըն ես,

Մեր սիրելին ես: Այս ազնիւ դործով

Մեզ համբերութեան և աշխատանքի

Օրինակ տըւիր. Դու բարձրացըրիր

Մեր հոգին, մեր մէջ եռանդ վառեցիր,

Եւ վըսեմ դործի անհուն տենչանքով

Լի է մեր հոգին! Տղերք, երկար կեանք

Եւ երջանկութիւն մաշթենք մեր հօրը

Եւ «կեցցէ» կանչենք!...

(Երիտասարդները կեցցէներով լցնում են օդը):

#### Ս Ո Ղ Ո Մ Ո Ն

Ապրէք, որդիքս:

Տայ Ասուած, որ այս մաքուր աշխարհ

Սէր և հաշտութիւն բերի մեր գիւշին!

Այս առար ջըրով մենք կը լիանանք,

Եւ մինչև անգամ մեր այգիներին

Բաժին կը հասնի: Եթէ այսուհետ

Կապւի երկինքը, և անձրև չը գայ —

Ել առաջւայ պէս չենք մընալ անճար.

Այս ցուրտ հեղուկը կը զովացընի

Մեր պարփէզների ծառըն ու թուփը,

Կանաչ մարգերի հոտաւէտ խոտը

Եւ բուրաստանը... Կը կենդանանայ

Կըրկին մեր գիւշը, կը գեղեցկանայ

Փարթամ կանաչով ու ծաղիկներով,

Եւ պարարտ հողը կը բեղմնաւորւի

Ասորըծոյ տըւած իւր բարիքներով

Ի վայելումն և ի բերկրութիւն  
 Մեր ժողովրդի... Բայց լաւ լըսեցէք  
 Իմ այս կըրտակը, որ ես թողնում եմ  
 Ձեզ ջահէններիդ: Դուք այս աղբիւրը  
 Աչքի լոյսի պէս պիտի փայտայէք  
 Եւ աճնպէս հոգաք, որ մի մարաչափ  
 Ձը պակսի ջուրը, չ'աւերւի շէնքսը,  
 Եւ շըրջակայքը չը խոպանանայ,  
 Այլ այսպէս ահա գիշեր և ցերեկ  
 Քաղցր քնքնայ և ուրախացնի...  
 Օ, հաւատացէք, բարի կամք է պէտք.  
 Եւ ժամանակով, ես ձեզ ասում եմ,  
 Նոյն իսկ այս տեղը, որ այժմ մի չոր  
 Տարածութիւն է, մի կանաչ, սիրուն  
 Պարտէզ կը դառնայ, և սաղարթագեղ  
 Սօսնիկների դիւրեկան և թանձր  
 Ըստերների մէջ պարուրւած կը մնայ  
 Օրհնեալ աղբիւրը և իւր մարգարտեայ  
 Սառը ցայտերով կը սըփռի իւր շուրջ  
 Անուշ զովութիւն, և թըռչունների  
 Աշխոյժ խըմբերը ծառաստանի մէջ  
 Ուրախ երգելով ձայն ձայնի կը փռն  
 Այստեղ օրնիբուն, վաղ առաւօտից  
 Մինչև վերջալոյս...

# ԵՐԻՏԱՍԱՐԴ

Մեր պարտքը լինի  
 Կատարել, ինչ որ մեզ կըրտակում ես:

## ՍՈՂՈՄՈՆ (նկարելով մի աշուղի)

Դու էլ այստեղ ես, մեր աշուղ Թեան?  
 Այս ուր էիր դու այսքան ժամանակ?  
 Որտեղ էր, ասան, սաղըդ ձէն փալիս?

## Ա Շ Ո Ւ Ղ

Գիւշէ գիւշ ընկած ման էի գալիս,  
 Հեռու տեղում էր սաղլւս ձէն տալիս:  
 Մի օր վաթանքս մըտաբերեցի  
 Ու եկայ սըրտիս կարօտն առնեմ:

## Ս Ո Ղ Ո Մ Ո Ն

Ծընընդավայրը քաղցր է լինում,  
 Երբ շատ ես մընում օտարութեան մէջ:

## Ա Շ Ո Ւ Ղ

Բայց մանաւանդ այդ ծընընդավայրը  
 Որ ունի երկու անըման աղբիւր:

## Ս Ո Ղ Ո Մ Ո Ն

Ինչպէս հասկանանք մենք քո ասածը?  
 Դու աշուղ ես և սիրում ես խօսել  
 Հանելուկներով: Բայց մենք հասարակ  
 Մարդիկ ենք, մեզ հետ պէտք է պարզ խօսել:

## Ա Շ Ո Ւ Ղ

Թէև աչքովըս ոչինչ չեմ տեսնում,  
 Բայց ականջովըս պարզ լըսում եմ ես  
 Երկու կըքէ՞՞՞ աղբիւրի ձայնը...

## Ս Ո Ղ Ո Մ Ո Ն

Նոր տաղեր ունիս, աշուղ, թէ էլի  
 Հին երգերըդ ես ամեն տեղ կըրկնում?

## Ա Շ Ո Ւ Ղ

Թէ հրաման կը տաս...

## Ս Ո Ղ Ո Մ Ո Ն

Ասա, լըսում ենք:

ԱՇՈՒՂ (ածուժ է սաղը և երգում)

«Աղբիւրն եկաւ քրչքրչալով

Գիւղի միջում ձէն տըւեց.

Ախ, ջան աղբիւր, զիւալ աղբիւր.

Մեռած զիւղին կեանք տըւեց:

Քեզ յաւիտեան փառք ու պատիւ,

Մեր աչքի լո՛ւս Սողոմոն:

Եղեմական անուշ ջուրը

Դէմ էր առել ժէռ քարին.

Իմաստունը հընար գըրտաւ,

Ճամբա բացաւ աղբիւրին:

Քեզ երկար կեանք, կարմիր արև,

Մեր աչքի լո՛ւս Սողոմոն:

Օրը բացեց, ջան իմ վաթան,

Հիմա՛յ ծաղկիր, կանաչիր.

Ջուրըն եկաւ անմահական—

Քեզ հալալ է—վաչելիր:

Օրհնեալ լինի յիշատակըդ,

Մեր աչքի լո՛ւս Սողոմոն:

### Ս Ո Ղ Ո Մ Ո Ն

Աշուղը նա է, ով ժողովրդի

Սըրտից է խօսում, ում ձեռքի սաղը

Ժողովրդի հետ ուրախանում է

Եւ լաց է լինում ժողովրդի հետ:

Դէհ, առ ջուրը անմահական.

Քեզ հալալ է—վաչելիր:

(Աշուղը վերցնում է թասը և խմում: Առաջ են դալիս մի քանի հասկաւոր կանաչք երեխաների հետ: Սողոմոնը բոլորին ջուր է դալիս: Մի պահ, բացի հոսու ջրի ձախից, ուրիշ ձախ չէ լսւում: Քիչ լեզու երևում է ՄԵԼՔՈՆԸ, ՕՍԱՆԻ և միւս որդոց հետ: Նա վարանման մէջ է. Դժաւրանում է ձեռնական քալ անել. վերջապէս բարի զգացմունքը լալթում է, և նա քրկաբաց նկատում է Սողոմոնի դիրկը, որը զգացւում է հակառա-

կորդի խոնարհութիւնից և մեծահոգութեամբ սեղմում է նրան (ւեր կրճքին)։

## Մ Ե Լ Ք Ո Ն

Դու ինձ ներում ես, Սողոմոն? ասա։

## Ս Ո Ղ Ո Մ Ո Ն

Անցածը անցաւ... Ձեռք ձեռքի խըփենք,  
իրար հետ հաշուենք!

ՄԵԼՔՈՆ (ձեռքը խփելով նրա ձեռքին)

Հաշուենք, Սողոմոն,  
եւ այսուհետեւ մինչև գերեզման  
Բարեկամ լինինք! Դու ինձ յաղթեցիր,  
Ոչ, չը յաղթեցիր, այլ ուշնչայրիւր,  
եւ ես ամօթով մընացի քեզ մօր  
եւ գիւղամիջում...։

## Ս Ո Ղ Ո Մ Ո Ն

Ես ասում էի,

Որ կը գայ մի օր, և իմ աղբիւրը

Անուշ ձայն կը փայ... Այն օրը եկաւ։

(Աւաջարկում է թասը) Առ և համը փես. հրաշալի ջուր է։

## ՄԵԼՔՈՆ (խմելով)

Անմահական ջուր սըրան են ասում,  
Որովհետեւ սա մարդու կեանքի վրայ  
Մի քանի փարի կ'աւելացընի—  
Բարեկամ, հիմա լըսիւր ինչ կ'ասեմ  
Եթէ հաշուում եմք, պէտք է լաւ հաշուենք։  
Ինձ էլ և քեզ էլ շատ լաւ յայտնի է,  
Որ մեր պարծառով մեր խեղճ որդիքը,  
Որ իրար այնքան մօր էին սըրտով,  
Միմեանցից հեռու, մոլորածի պէս,  
Գլուխները կախ, ձեռները ծոցում,  
Միշտ իրար կարօտըն էին քաշում։

Թող ձեռք ձեռքի տան և հայրերի պէս  
Միմեանց հետ հաշտեն:

## Ս Ո Ղ Ո Մ Ո Ն

Մեւքոն, իմ սըրտից  
Դու ջուր խըմեցիր: Լեզւիս ծայրին էր,  
Ինչ որ ասացիր: Մօր եկ, Ռափայէլ!

## Մ Ե Լ Ք Ո Ն

Օսան, մօտեցիր:

(Ռափայէլը, որ կանգնած էր մի տեղ և աչքը Օսանուց չէր հեռաց-  
ում, ուրախ առաջ է գալիս, նույնպէս և Օսանը, որը կարմրում է և աչ-  
քերը ցած պահում):

## Ս Ո Ղ Ո Մ Ո Ն

Ձեռք ձեռքի տրեւէք, սիրելի յորդէք,  
Եւ հանգըստացէք հոգով ու սըրտով.  
Էլ սըրանից չկու ձեզ ոչ ոք, ոչինչ  
Ձի համարձակելի միմեանցից բաժնել:  
Տեսնում էք յուք այս մաքուր աղբիւրը?  
Սա, հաւատացէք, ինձ շար թանկ նըստեց.  
Խըլեց ինձանից իմ այս ծերութեան  
Ոյժերի վերջին մընացորդըն էլ.  
Կեանքիս ընթացքում, սե օրւայ համար,  
Գանձած ունէի անըջան, համեստ  
Մի կարողութիւն, այն էլ կըլանեց.  
Եւ մինչև անգամ, հաւատացէք ինձ,  
Ձեր հարսանիքի հանդիսի համար  
Ոչինչ չը մընաց... Բացց ահա այսօր  
Իմ երջանկութեան գագաթին հասաց,  
Եւ փառք եմ փալիս ես քեզ, Սրարթիչ,  
Որ արժանացրիր ինձ մի այսպիսի  
Բախտաւորութեան! Կա՛յ աւելի մեծ  
Վարձատրըրութիւն, քան այն վիճակը,  
Երբ մարդ, հասնելով իւր նըստապահին,

Շըրջապալուած է ընդհանուր սիրով?  
 Բայց նամանաւանդ ցընծում է հոգիս,  
 Որ իմ որքնութեանց քաղցրիկ պըտուղը  
 Դարձաւ հաշտութեան և սիրոյ աշբիւր,  
 Այո, հաշտութեան և սիրոյ աշբիւր...  
 Դէհ, օրհնեալ լինիք, իմ անգին որդիք!

ՄԵԼԻՔՈՆ (օրհնում է)

Օրհնում եմ և ես, սիրելի որդիք,  
 Դու էլ, Տէր Աստուած, վերեւից օրհնիր.  
 Թող սրբանց սէրը, որ այսքան ջերմ է,  
 Ապաքէ էլ մընայ նաև մինչև վերջ!  
 (Ռափայէլի ընկերները հուռա են կանչում)

Վ Ե Ր Ջ

Քաղու. 1900 թ. ապրիլի 14.